

ربنا كبير .. الحلقة (60) .. #على_فين_يا_شباب .. د . حازم

شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببيدك الخير كله واليك يرجع الامر كله. اللهم صل على عبدك ونبيك وحبيبك محمد صلى الله عليه وسلم. ثم اما بعد - 00:00:00

ربنا كبير. الامل في الله. ده الموضوع بتاع حلقة الليلة يا شباب. ده الموضوع بتاع حلقة الليلة يا امة محمد. الامل في الله. الناس كلها دلوقتي عايزة كلمة امل للاسف لما واحد بيروح مستشفى الدكتور يقول له يقول له الاخبار ايه يا دكتور؟ يقول له الامل في الله.

يחס ان هو اتقتل اتدبح كأن خلاص بيقلوا ما عدش فيه امل. لأ يا جماعة - 00:00:20

الفلاح كبير. كلمة الامل في الله دي لازم تفتح لنا ابواب الامل والانشراح. والتفاؤل في الدنيا كلها. الامل في الله يا شباب. الامل في الله يكون لمبتلى. يكون كل واحدة عندها عقم. يا كل واحد عنده مشكلة. يا كل شاب وقع في برائن المخدرات والمعاصي. ومش مصدق انه هيقدر يخلص. الامل في الله يا امة محمد. الامل في ربنا - 00:00:40

العظيم. ربنا كبير. هو ده الشعار بتاعنا الليلة بازن الله. ازاي هتسبت في الطريق وانت ما انتاش عارفه. هتسبت في طريقه ازاي وانت ما انتاش عارفه. عايزين نعرف ربنا. يعني - 00:01:00

النهاردة الليلة هنعيش مع معاني معاني جميلة اوي يا جماعة. معاني من ايات كتاب ربنا. ونجيب الشواهد بتاعتها في الواقع ونحس قد ايه ربنا كبير وقد ايه في امل في ربنا سبحانه وتعالى كان في شاب من الشباب اتفق مع فتاة على الوقوع في جريمة الزنا. فتاة اجنبية والعياذ بالله. لما راح الفندق فيقول - 00:01:10

افتكر افتكر ربنا افتكر سيدنا يوسف وعفاف سيدنا يوسف. اترعب انا هاعمل الزنب ده ازاي؟ انا هاقع في المنكر ده ازاي؟ فحاول انه يهرب باي طريقة. فقال لها انا انا مش هاقدر - 00:01:30

قالت له ليه ؟ قال لها اصل انا عندي ايدز. قالت له طب وايه يعني؟ طب ما انا عندي ايدز. لا اله الا الله. سبحان الله! كان هيودي نفسه في داهية. ربنا - 00:01:40

انقزوا لما تاب لربنا. لما اخاف من ربنا ربنا انقزه شباب. لو تبت لربنا ربنا هيفرج كل ابتلاءات حياتك. لو رجعت لربنا ربنا هيفرج كل كربات حياتك الليلة بيقول لك الامل في الله كبير بس اعرفه. بس اقف على بابه بس تب اليه. بس خليك معه وشف ربنا هيعمل لك ايه. عشان كده اول شعار معنا الليلة ما - 00:01:50

ودعك ربك. ربنا مش هيسيبك طول ما انت ما سبتوش. ربنا مش هيسيبك طول ما انت ما سبتوش. قعدت افتكر القصص اللي مرت علي طول حياتي. في الناس راحت عمرة وشفتها او عايشتها او سمعتها راحت عمرة وربنا فرج كرباتها. كان لنا واحدة جارتنا يعني كانت فاتحة اتيليه وبتطرز وبتعمل تطريز - 00:02:10

العبايات والفساتين الافراح. فبدأت تسمع دروس تابت الى الله. اتصلت بزوجتي قالت لها اعمل ايه ؟ فزوجتي سألتني قلت لها حرام قولوا واحدا الموضوع ده حرام. ده انا باكسب الالوف حرام. ده انا مديونة حرام. ده انا ما فيش. الموضوع منتهي. الا المال الحرام. سابت لربنا وسابت الشغلة بتاعتها. وضحت بدخل كبير جدا. بعد فترة - 00:02:30

اتصلت بزوجتي قالت لها انا بقالي خمس سنين ما انجبتش ما خلفتش. ونفسي انجب وبالعافية حوشت وعملت جمعية ومعني مبلغ.

يطلع عمرة يا اما في انايب اعمل ايه ؟ فزوجتي سألتني قلت لها والله هي حرة ولكن انا لو مكاني هاطلع بالعمرة طبعاً بلا فصال.

طلعت عملت عمرة. ومن اسابيع قليلة - 00:02:50

من فترة بسيطة لقيتها بتتصل بزوجتي بتقول لها انا حامل. بعد ما رجعت من العمرة. ربنا كبير. ربنا كبير يا جماعة ما ودعك ربك مش

هيسيك. بس انت ما تسبوش - 00:03:10

افتكرت قصة واحد قريبنا كان عنده حصوة في غدة اللعابية ده هي والحصوة دي بتبقى مؤلمة جداً. لما راح في العمرة وشرب زمزم

بيقول لقيت حاجة قاعدة تخرج تخرج لغاية ما تطلع الحصوة في ايديه ولسه محتفز بها. زي ما قرأت زمان لابن تيمية. زي ما

ابن تيمية قال في الفتاوى بتاعته لما كان بيطوف حوالين الحرم - 00:03:20

ونزلت حصوات وهو بيطوف حوالين الحرم. مرض الحصوات دلوقتي مستشفيات الكلى يعني انا نفسي عملت عملية بسبب حصوة

سدت سبحانه الله يا جماعة مرض شديد ومرض يعني مؤلم جداً للحقيقة. سبحانه الله العظيم. افتكرت القصة اللي كنت سمعتها من

شيخنا الشيخ محمد حسان. يا ابني ربنا يبارك فيه. لما واحد راح - 00:03:40

عمرة والراجل ده كان مشلول طول عمره مشلول. راح هناك قال لولاده حطوني هنا هو على الكرسي في صحن الكعبة. وقال والله يا

رب ما انا خارج من هنا اللي على - 00:04:00

او على المقابر. والله يا رب ما انا خارج من هنا الا على رجلي. او على المقابر والله يا رب ما انا خارج من هنا الا على رجلي او على

المقابر - 00:04:10

راجل اخذته غفوة نام صحن على صوت واحد بيقول له قم امش. قم امش قم امش بيقول انا قمت مفزوع قمت على رجلي لقيت

نفسي بمشي. انا ما صدقتش نفسي - 00:04:20

الراجل كان هيتجنن قعد يطوف حوالين الكعبة وهو بيصرخ سبحانه يا ملك! سبحانه يا ملك! سبحانه يا ملك! ما ودعك ربك! اوعى

تفتكري انه يسبيك لو ما سبتهوش. اوعى تفتكر انه هيسبيك طول ما انت واقف على بابه. اوعى تفتكروا كده يا جماعة. يا جماعة كل

عبادة قيام الليل ربنا ينزلها لي من مستشفى فاشفيها. الصبر - 00:04:30

ربنا عمل معجزة واجرى سحب لواحد كان بيطلع تلت ماله لله. اسق حديقة فلان. الدعاء فقد فتح له باب الرحمة. يا اخوانا كل طاعة

بتعملوها في حياتكم. كل طاعة لها سوابها عند ربنا سبحانه وتعالى. كل عبادة اوعى تضيعها بقى انا سمعت عنها. اوعى تضيع عبادة

سمعت عنها. الشعار الثاني يا جماعة معنا - 00:04:50

الليلة نصيب برحمتنا من نشاء. كم دعاء ربنا استجاب من يوم ما نزل سيدنا ادم؟ كم كرب ربنا فرجه؟ كم اله ربنا ازاله. كم هم ربنا

كشفه هتيجي على الهم بتاعك انت؟ هتيجي على الكرب بتاعك انت. كان احد الاخوة رايح يحج. جاب تأشيرة الحج ولكن ما عرفش

يجيب تصريح العمل - 00:05:10

فراح مش قادر هيموت عايز يروح بيت ربنا باي طريقة. راح المينا الزابط بتاع يعني الزابط بتاع المرور ببص. قال له ايه ده انت

معكش تصريح سفر. قال له ومعلش بدأ الزابط يجادل وهو يجادل معلش طب خليني اسافر. الزابط في الآخر اتخفق منه. قال له انت

عايزني ازاي؟ اطلعك واسفرك وانت ما عكش تصريح سفر. لقي نفسه - 00:05:30

يصرخ فيه قال له عشان نفسي احج نفسي اروح بيت ربنا سبحانه وتعالى. كان ربنا تقبل منه الصدق في كلمة عاوزك يا رب. كان لما

قال انا عاوزك يا رب عاوز احج لبيتك يا رب. ربنا - 00:05:50

تقبلت منه هذا الصدق فتح باب فتح قلب الزابط. قال له خلاص اطلع. اطلع. كانت السفينة خلاص قفلت ابوابها وخلاص وهتنتلق

الزابط وقف السفينة وفتح اللي حته ثاني عشان صاحبنا يطلع وحج فعلاً نصيبه برحمتنا من نشاء. يا جماعة عايزين نعرف رحمة ربنا

قد ايه؟ ده ربنا سمى نفسه ارحم الراحمين - 00:06:03

انا عايزك تعرف مين الراحمين مين الراحمين عشان تعرف يعني ايه ارحم الراحمين. امك اللي لو انا مريض وبقع من طولي من الالم

وبتلوى وفي ايدها الدواء وبقول لها اديني حباية عشان الرقاة تعمل ايه؟ مراتك حبيبته. بنتك حبيبته. اختك حبيبته. اخوك حبيبك.

صديقك حبيبك. تخيلوا يا جماعة دول الراحمين ربنا - 00:06:23

من كل دول بك. عشان كده ربنا سبحانه وتعالى لما بيقول فما لهم عن التذكرة معرضين كانهم حمر. اللي مش عارف رحمة ربنا ده ايه. كأنهم حمر مستنفرة فرط من قسورة. انتم فاكرين ايه! فاكريني اسد. فاكريني جاي افترسكم! ده انا ده انا الرحمن! ده انا الرحمن

الرحيم! انتم بتهربوا مني ليه! بتهربوا من رحمة الله - 00:06:43

انتم لو ازبنتوا الف سنة ورجعتوا لي هتقبل منكم كل زنوبكم على انها حسنات انتم بتهربوا مني ليه يا جماعة؟ ده انت لو سمعت ان فيه واحد بيحبك او واحد قال لك انا باحبك هتحبه عشان بيحبك. طب ربنا بيقول لك انا باحبك سبحانه وتعالى. يا اخوانا الرسول

عليه الصلاة والسلام بيقول - 00:07:03

ربنا في الآخر لا احصي ثناء عليك. لا احصي يعني انا عاجز. عاجز عن الشكر يا رب. النبي في النهاية بيقول لربنا عاجز عن الشكر يا رب. نصيبه برحمتنا من نشاء ولا نضيع اجر المحسنين. ده الشعار الثالث. ولا نضيع اجر المحسنين. اوعى تفكر انه هيضيعك -

00:07:19

مش هيضيعك مش هيضيعنا يا جماعة. ربنا كبير يا جماعة. الامل في ربنا عظيم يا جماعة. كنت واقف مع احد الناس الفضلاء جدا ربنا

يبارك فيه ويفتح على ايده يا رب. باني برجين - 00:07:39

لليتامى عندنا ومفرغ حياته لهم ومسخر حياته لهم. وليل نهار في مصلحة اليتامى والسعي. وعمارة بيت ربنا سبحانه وتعالى كنت مرة واقف معه قال انا المفروض كان زمني ميت الوقت في المقابر من ايام. قلت له ليه؟ قال لي كان بيبنى برج جديد كبير لليتامى.

فالاسانسير بتاعه شغال ولسه شغالين بقى في الحديد - 00:07:49

وفيه حديد كتير على السطح فبيقول ركبنا الاسانسير عشان نطلع لدور عالي. الحديد اللي على السطح فجأة قام واقع على الاسانسير لما وقع عليه الاسانسير اتهد كنا مسلا في الدور الثالث والرابع اتهد للدور الارضي في لحزة اتهد للمسقط في لحزة. اتهد على طول

فورا. فالمفروض - 00:08:11

فيه ناس ماتت بسبب الموضوع. فيه ناس عاشت حياتها كلها بشلل رباعي بسبب الموضوع ده. فيه ناس اتكسر غضبان كله بسبب

الموضوع ده. بيقول نزل. فالاسانسير استنوا ده الموضوع ما خلصش. بيقول الاسانسير - 00:08:31

نزل فجأة الحديد الاسانسير لما بينزل في حديدة بتطلع كده. سقل يعني توازن اثقال. الحديد اللي وازنة السقل طلعت زي ما نزل فجأة قامت طالعة فجأة لفوق خرجت من المجرى بتاعتها وقامت نازلة على الاسانسير. بيقول شقة الاسانسير في النص هو واحد من

اللي بيساعده واقفين - 00:08:41

بيقول وقعت الحديد دي اللي ثقلها قد ثقل الاسانسير والناس راكبة فيها. وقعت ما بينا احنا الاثنين. لو كانت وقعت على حد كان زمانه مش اتدبح ولا اتعجن كان زمانه ما عاش ما بنلوش اسر اصلا. بيقول والله انا خرجت منها انا واقف قدامك اهو. ما فيش حاجة

حصلت له ولا نضيع اجر المحسنين - 00:09:01

ما ودعك ربك نصيب برحمتنا من نشاء. ربنا كبير. ربنا كبير. الراجل ده بيسعى في حاجات اليتامى والمساكين. مش هيسيبه. يا اللي بتسعى في حاجات الارامل والمساكين يا اللي بتسعف حاجات الفقرا واليتامى. يا اللي بتسعدوا في العبادة يا اللي بتسعدوا في الدعوة.

يا اللي شغالين عند ربنا. يا اهل الطاعة يا اهل الايمان يا توابين. يا شباب يا تايب يا - 00:09:20

انت يا تائبة يا اللي عايزين ربنا وبتقولوا له عاوزينك يا رب. ربنا بيقول لكم ولا نضيع اجر المحسنين. الشعار الرابع معنا وحنانا من لدنا تخيلوا يا جماعة تخيلوا ربنا سبحانه وتعالى تخيل واحد كان يعني راجل بيشتغل وموزف وعنده بيت واسرة وبنات وولاد

ومسئوليات - 00:09:40

فجأة اترفد من شغله اترفد من الشغل ما عدش له مصدر دخل. طب يعمل ايه؟ بدأ ينزل يدور على شغل. وهو بينزل اصيب بمرض.

المرض بدأ يزيد يزيد. لغاية ما المرض زاد - 00:10:00

جدا ما عدش قادر يشتغل ولا يدور على شغل. بدأ يمد ايده للناس يروح لده ولده ولده. لا ده راضي ولا ده راضي ولا ده راضي. طب

اعمل ايه؟ طب اروح فين؟ بدأ يبيع عفش بيته - 00:10:10

ورا حته ورا حته. البيت بقى على البلاط ما عدش قادر يدفع الايجار. اتطرد من الشقة. بقى هو وولاده ومراته في الشارع. والمرض زاد عليه بقى مقعد مشلول ولاده ما حدش قادر يعمل حاجة. جا له واحد قال له بص انا هعالجك برة في افخم مستشفى على

حسابي. وهبني لك بيت انت وولادك افخم بيت على حسابي. وهعالج - 00:10:20

كلكم واعمل لكم دخل شهري. واداه يتعالج رجع لولاده عايشين عيشة. ما فيش بعد كده. الراجل ده لو الراجل اللي عمل له كل ده مرة

جا له الساعة اتنين او ثلاثة بالليل - 00:10:40

يزوره في بيته مش هيقوم له لو قعد في اي مجلس مش هيتكلم عنه ربنا عمل معنا اكتر من اللي الراجل ده عمله مع الثاني. ربنا عمل

معنا اكتر من كده - 00:10:51

يا جماعة ربنا هو اللي ببشفيك. هو اللي بيؤويك. ربنا هو اللي خلقك. هو اللي محافز لك على مراتك واولادك. هو اللي حافظك في

اهلك ومالك. ربنا سبحانه وتعالى هو اللي مفرج كرباتك - 00:11:01

قل لي بيرتب لك حياتك هو اللي شال عنك مليون در. ربنا هو اللي كل نعمة في حياتك منه سبحانه وتعالى. احنا بنعامله كده ليه؟ يا

جماعة ده احنا كل حاجة عايشين فيها ببلاش - 00:11:11

ببلاش ببلاش يا رب يا رب انت عيشتنا ملوك ببلاش يا رب. كان احد اصحابنا نازل داخل حمام جامع فداخل حمام الجامع ومتأسف

جدا والحمام الارضي والموضوع مختلط بقى مش عارف وداخل قرفان. بيقول لقيت واحد داخل زاحف على ايديه ورجليه لان

رجليه مشلولة - 00:11:21

عايز يدخل الحمام فداخل بيزحف على ايديه ورجليه هدومه. سبحان الله العظيم صاحبي بيقول انا انا قلبي اتزلزل. طب ازاي؟ طب

انا مش مقدر نعمة الرجلين ازاي؟ انا مش مقدر النعمة - 00:11:41

ازاي؟ احد الناس كان في الحرم فقاعد بيقرا قرآن، وواحد قاعد يطوف ويبص له اوي ويطوف ويبص له ثاني ويطوف فالراجل في

الآخر قال له انت عايز مني ايه؟ انت بتبص لي كده ليه؟ قال له انا انا والله للاسف ايديا دي اي دي مش طبيعية انا ايديا الاتنين

مقطوعين دي ايدين صناعية - 00:11:51

ما اعرفش ادخل الحمام. ما اعرفش اتظهر بعد ما ادخل الخلاء. ولا اعرف ادخل الخلاء غير لو حد ساعدني لاني ما ليش ايدين اقدر

اعمل بها حاجة. ممكن تيجي معي الخلاء. الراجل نزل دخله - 00:12:07

وبعد كده ساعده في الطهارة وبعد كده خرج بيقول خرج الراجل اللي ايديه مقطوعة وبص للسما وقال اللهم لك الحمد يا رب. اللهم

لك الحمد يا رب اللهم لك الحمد يا رب عايزين نفوق يا جماعة. انت جربت مرة انك تقف في اشارة مرور او في رصيف نص ساعة.

مش عارف تعدي لانك انت ما بتشوفش لان ربنا سبحانه وتعالى ابتلاك في نعمة - 00:12:17

اسأل ربنا يعافي كل مبتلى يا رب. يا رب ويكرمه في الدنيا وفي الجنة يا رب. تخيل نص ساعة واقف ما فيش حد عايز يعديك. ما

فيش حد معك يعديك وما انتش عارف تعدي. جربت - 00:12:37

يا جماعة نعمة واحدة من نعم ربنا تروح مننا ببلاش يا جماعة كل حاجة ببلاش يا اخوانا ربنا سبحانه وتعالى بيقول وحنانا من

لدا نعم ربنا دي هتعملي فيها ايه؟ نعم ربنا دي هتشكرها ازاي؟ نعم ربنا ده هنعمل قصاها ايه؟ ربنا كبير يا جماعة. ربنا كبير بس احنا

لازم نبقي احنا كمان - 00:12:47

زي ما ربنا خلقنا في احسن خلق. اراد منا احسن عمل. ربنا قدرك اعلى قدر. ربنا اشتراك باغلى تمن. بالجنة. اغلى تمن في الوجود. ده

قدرك عنده وهو قدره عندك قد ايه؟ قدره عندك قد ايه؟ قدره عندك قد ايه؟ عشان هتعمل ايه؟ عشان هتعملي ايه؟ عشانه

هتتعب في ارضاه قد ايه؟ الشعار اللي معنا - 00:13:07

كده فانك باعيننا. الله يا رب. الله على رحمتك وعنايتك ورعايتك يا رب. واحد زميلي جراح جراح في الجامعة بيحكى لي بيقول لي

راح مرة مركز اطفال انابيب عشان في حالة هيسحب عينة من منه عشان من الراجل عشان الحيوانات المنوية يلحقوا بها البويضة.

ويحصل الموضوع بازن الله سبحانه وتعالى - [00:13:27](#)

رحت لقيت شاب جميل جدا واخ ملتزم ما شاء الله وكتاب الله والسنة فيقول قصته ده ايه؟ قصته ان هو اصلا يعني مبتلى بالعقم ولف على كل الوسائل ما فيش فايدة - [00:13:49](#)

عمل طفل انايب بعد كده بعد ما الطفل مات للأسف الشديد مات بعد ما خلاص ما شاف ابنه بعنيه ودي اخر محاولة اخر حاجة عنده ويمكن اخر فلوس عنده اخر حاجة عنده ان هو يبجي يعمل طفل انايب تاني لعل ما عادش فيه امل غير كده في الله سبحانه وتعالى. فيقول يعني كان صعبان عليه جدا. فيقول فبدأ يسحب العينة من - [00:13:59](#)

بتاعة الحيوانات المنوية عشان يقدرها يلحقوها. بيسحب اول عينة ما فيش تاني عينة ما فيش. تالت عينة اربعة خمسة ستة سبعة عشرة. اربعتاشر عينة سحبها له. في الآخر شافوا الاربعتاشر عينة بعد كل البهدة ده في الله - [00:14:19](#)

لقوا ما فيش فيها كلها غير ثلاث حيوانات منوية. ثلاثة بس ثلاثة بيفحصوهم لقوا الثلاثة ميتين ما بيتحركوش يا ميتين يا بيموتوا. خلاص الدكاترة كلهم قالوا صفر في المية لا يمكن. لا يمكن دي فيها نتيجة. فصاحبي قال يا جماعة - [00:14:34](#)

هندي له فرصته يا جماعة. فكلموه قال لهم لأ خلاص ربنا كبير. ربنا كبير. انا مسلم امري لله سبحانه وتعالى. بيقول بدأم جابوا الثلاث حيوانات المنوية اللي هي شبه ميتة - [00:14:48](#)

عملوها مع ثلاث بويضات. اول مفاجأة ان البويضات فعلا قبلت الحيوانات المنوية. تاني مفاجأة ان لما زرعوا الثلاثة في الرحم الثلاثة عملوا اجنة. بقت مراته في ثلاثة مراته وهو اصلا سبحان الله العزيز كان امبارح مبتلى وطلع شديد. مراته حامل في ثلاثة. نفس اليوم ده كل اللي اتعمل لهم. يا جماعة ده النسبة - [00:14:58](#)

الطبيعية اصلا في العينة ميت مليون حيوان منوي. ميت مليون ده عنده ثلاثة وميتين ما بيتحركوش. ولكن الملك الجليل ربنا كبير. يا كل واحدة اوعي اوعي تسيقي الزن في الله ما تبصيش بين رجلين. ربنا عزيز اطلعي من العمرة. اطلع يا اخي حج يا اخي. اطلع يا اخي رح له بيته قل له يا رب قصدك يا رب. ده كلمة حج - [00:15:18](#)

قصد يعني قصدك يا رب. قصدك يا رب انت اللي هتفرج لي كرب يا رب. يا جماعة ربنا كبير بس خيلنا على بابيه. خلونا معه اوعوا تسيبوه عشان ما يسيبكوش. بعد كده - [00:15:38](#)

سبحان الله! بعد شهور صاحبي جه قال لي قال لي ده ده النهاردة مراته كانت في المستشفى وعندها نزيف. يا نهار ابيض! طبعا كلنا تعبنا! هو شكله مش هينجب ولا ايه! يعني الموضوع هيجصل زي المرأة اونية ولا ايه - [00:15:49](#)

فمن ايام قلت لصاحبي بالله عليك يا اخي اتصل به اطمئن عليه. شف هو عامل ايه. رد عليه يا صاحبي قال لي ما شاء الله لا قوة الا بالله. بقى طبعا الكلام ده كان من شهور يعني - [00:15:59](#)

بقى معك ولدين توأم ما شاء الله لا قوة الا بالله. ربنا مالي عليه دنيته بهم بفضلله ومنة الله سبحانه وتعالى. نصيبه برحمتنا من نشاء فانك باعيننا. ربنا كبير يا جماعة. ربنا كريم. الشعار اللي بعد كده ان ربنا سبحانه وتعالى يرسل السماء - [00:16:09](#)

عليكم مدرارا. احد اخوانا اصحابنا كان نفسه في عربية قوي. كان هيموت على العربية. قعد يحوش جنيه ورا جنيه. جنيه ورا جنيه. موت نفسه. لغاية ما جابها. اما جابها زيرو فرحان بها. بقى ناقص ان هو يعني مش عارف اقول لكم ايه يا جماعة! بقى كأنه بيحمي

ابنه الصغير وهو بيغسلها - [00:16:29](#)

طلع جبهة طلع بقى مسافر بها فرحان بها بقى وطالع مسافر بها والعربية على الزيرو. وهو مسافر العربية اتقلبت خرج منها ببص لقي خردة بيقول انا اللي جه في لساني ساعتها اللهم اجرني في مصيبتني واخلف لي خيرا منها. كمل السفر بتاعها يعني بعد ما اسافر البلد

الي هو رايحها يعني - [00:16:46](#)

سافر البلد وهي رايحة ربنا كأن ربنا بعث له واحد قال له فيه حنة ارض. ايه رأيك تتاجر فيها وده لقطة وده فرصة. تاجر فيها كسب ميت الف جنيه راح اشتري عربية اوكتافيا - [00:17:05](#)

اوكتافيا انا احسن طبعا بكتير جدا من العرب اللي كانت معه. سبحان الله! جاب اوكتافيا من خزائن الله بدعوتين. اللهم اجرني في

مصيبيتي واكلف لي خيرا منها. جاب اختافيا خزائن الله بالثقة في الله. بالرضا عن الله. جاب اوكتافيا من زي ما سيدنا زكريا. خد

يحيى من خزائن الله بركعتين وهو بيصليهم الملائكة نزلت بشرته. يا اخوان - [00:17:15](#)

عايزين نعرف ربنا سبحانه وتعالى. عايزين نعرف الملك الشعر اللي بعد كده. ولا هم منا يصحبون. اه ولا هم منا يصحبون. اخطر تهديد

في القرآن كله. ربنا بيهددك بيقول لك هسيبك. مش هصحبك في الطريق. النبي كان بيقول لربنا ربنا صاحبنا. خليك معي - [00:17:35](#)

يا رب انت صاحب في السفر. ربنا بيقول ولهم منا يسحبون. هسيبك هقول لك كمل لوحدة. هقول لك كمل الحياة لوحدة تقدر

خلاص ما تعصينيش. خلاص ما تتمرديش على خلاص ما تدينيش ضهرك. خلاص ما اقولكش تعالى وتبعد عني. ولا هم منا يصحبون.

يعني كان واحدة راحت المستشفى ست يعني وكانت مريضة - [00:17:56](#)

تاخذ علاج مهما تاخذ علاج ما فيش فايده. فكان اللي بيكشف عليها زوجتي. فزوجتي شكت ان السبب نفسي. فقلت لها انت ايه؟

يعني انت حاجة تعبأك. حاجة مش شايلاك الهم. حاجة مزعلاك - [00:18:16](#)

شكت ان سبب لعدم الاستجابة للعلاج يكون هم نفسي او ضيق او او. فقلت لها انا اتجوزت من فترة يعني من كذا سنة. اول ما

اتجوزت حملت. اول ما جت بنت جوزي قطعني وطلع عيني. حماتي بهدلتنني وسودت الدنيا علي والعياز بالله. بهدلوني يطردوني من

البيت وارجع ويطردوني - [00:18:26](#)

وارجع واسيب البيت واغضب وارجع. حملت ثاني. جه بنت برضه بهدلوني قطعوني. بهدلوني في حياتي اخر بهدلة. واطلع برة البيت

واجي واغضب واجي حملت تالت جه ولد ولكن عنده ضمور في المخ. ملفين به على مستشفيات مصر كلها. متبهدين به في

المستشفيات كلها. وما فيش اي استجابة للعلاج. سبحانك يا رب - [00:18:46](#)

نرضى يا جماعة نرضى بربنا يا جماعة ولا هم منا يصحبون ما تخسرش ربنا بسخطك على قضاؤه ما تخسرش ربنا بتمردك على

حكمه وعلى امره وعلى نهيه. ما تخسرش ربنا باعراضكم عنه. ما تخسرش ربنا باستغناؤكم عنه في حياتكم. ولا هم منا يصحبون.

الممسلة - [00:19:09](#)

اللي كان جا لها سرطان وتعبت واتحجبت وسابت التمثيل وعاشت بقى في الايمان. وبعد كده عملت تحليل ثاني طلع ما عندهاش

حاجة الحجاب اتخلع والتمسيل اتراجع له ثاني والفجور رجع اشد من مكان. لا اله الا الله. اه من استدراجك يا رب - [00:19:26](#)

اه يا رب لما بتريد انك تستدرج عبد كانت راجعة له عشان خايفة من السرطان مش من ربنا. هو ربنا اللي عنده بس سرطان هي

خزائن العقوبات كل اللي فيها سرطان خلاص - [00:19:43](#)

شوفوا يا جماعة اللي هيسيب ربنا سبحانه وتعالى ربنا سبحانه وتعالى عامل فيه ايه؟ ده فيه غدة في الجسم. الغدة دي اسمها الغدة

النخامية النخامية. كانوا بيسموها عندنا في الطب بيسموها الماستر جلال - [00:19:53](#)

المصدر يعني سيدة الغدد الغدد دي بتاعة الجسم عاملة زي الوزراء كده. كل وزير له تخصص. الماستر جلال دي هي رئيس الوزراء بتاع

الجسم. غدة مسيطرة على الغدد على المراكز الحيوية في جسم الانسان. غدة خطيرة جدا. الغدة دي نص جرام. تخيلي حدة ذهب

نص جرام تبقى قد ايه؟ نص جرام بس ذهب مين؟ ولا ذهب الدنيا كله يعوضها لك. نص جرام - [00:20:03](#)

الغدة دي لو حصل فيها خلل ممكن نمو الانسان يقف لدرجة ان يبقى طولُه سبعة وتلاتين سنتي. يعني طول المسطرة التلاتين سنتي

بني ادم. لو ربنا وقفها لو ربنا وقف نص جرام في جسمك يا عاصي - [00:20:23](#)

لو ربنا وقف نص جرام في جسمك يا مفسد يا اللي بتاكل حرام. يا ممسلة يا مغني. يا اللي بتبارزوا ربنا بالمعاصي يا اللي فاتح قناة

فضائية اباحية. يا يا اللي فاتح موقع نت - [00:20:39](#)

يا اللي بتغني وبتفتن الشباب بصوتك. يا متبرجة يا اللي بتفتني الشباب يا اللي عايش في قصة حب حرام. لو ربنا عطل النص جرام

ده هو فيك. هتعمل ايه يبقى طول المسطرة تبقى لو ربنا عطل اي حاجة في جسمنا هنعمل ايه يا جماعة؟ ولا هم منا يسحبون

بنتوسل اليك يا رب - [00:20:49](#)

ما تسبناش يا رب احنا ما نقدرش نعيش من غيرك. ربنا صاحبنا ربنا صاحبنا وافضل علينا يا رب انت صاحب في الحياة. انت

الصاحب في الليل والنهار يا رب ولا هم منا يصحبون. الشعار اللي بعد كده واليه يرجع الامر كله. كل حاجة بتراجع لربنا سبحانه وتعالى لوحده. واليه يرجع الامر - [00:21:06](#)

قل له كنت مرة رايع اخلص ورقة حكومية بس خطيرة جدا. يعني كان تأسيروها بالنسبة لي خطير جدا يعني كانت واحدة مهمة جدا. فراخ للراجل الراجل كتب لي ورق عليها يدمر لي المصلحة ينسفها. قلت له ايه ده يا عم كاتبين - [00:21:28](#)

قلت له ايه ده يا عم! قال لي اعمل ايه ومش هاعمل ايه وانت مش عارف ايه ايه يا عم سبحانه يا رب انا ابتليت بزنبى ايه النهاردة بس! قلت له طب سلام عليكم. وقمت رايع الجامع اللي جنبه - [00:21:40](#)

متوضي ومصلي ركعتين توسلت واستغست بالله. وقمت راجع له. والله العظيم كانه بني ادم ثاني. اول ما شافني ايه ده انت عايز ايه؟ انت عايز تغير لك الورقة اهو ورقة جديدة اهو. عايزني - [00:21:50](#)

عليه اهو مش اكتب لك على الهواء اتفضل والمصلحة خلصت. سبحانه يا رب! ربنا كبير يا جماعة! ربنا كبير! كان فيه احد الامراء السعوديين ادى لواحد يعني واحد معرفة يعني ادى له ست تأشيرات حج هو ومراته وعيلته. فالراجل راح السفارة السعودية منفوخ ومنفوش. انا الامير فلان الفلاني مديني ست تأشيرات وانا مش عارف ايه - [00:22:00](#)

الجوازات اهي الست الجوازات اهمت. طب اتفضل واحنا هنخلص لك الايه؟ هنحط لك التأشيرات وهنزلها لك ثاني. طلع خطوا له التأشيرات ونزلوها له وخدها في الظرف سلام عليكم. وعليكم السلام. بيفتح - [00:22:20](#)

الظرف وهو منفوش بقى. ايه ده الجواز الاولاني مش جوازي. ده جواز واحد ثاني والثاني ده جواز واحدة مش مراتي. والثالث ده مش جواز عيالي. ده مش الجوازات بتاعتنا. الست دي بتاعة ناس ثانية. رجع السفارة بسرعة لقاهم ست جوازات لسته ما لهمش - [00:22:30](#)

في اي واسطة اي واسطة نهاية. طب وهو اصل الامير اراد ان الستة دول يطلعوا. ولكن ملك الملوك اراد ان الستة دول هم اللي يطلعوا. لو ربنا ارادك ما حدش هيمنع الخير عنك. ولو ربنا حرمك هتعمل ايه؟ وهتروح فين؟ وهتروح فين؟ يا جماعة الله قادر. يا جماعة هي نفس البيض - [00:22:45](#)

يطلع منها طاووس ويطلع منها عصفورة ويطلع منها غراب ويطلع منها يمامة. هي نفس البزرة يطلع منها تفاح ويطلع منها موز. هي نفس نقطة الماية يطلع منها راجل ويطلع منها ست. الله قادر يا شباب. الكون ما بيستحملش كلمة عن ربنا. تكاد السماوات يتفطرن منه وتنشق الارض. وتخر الجبال هدا ليه يا رب - [00:23:05](#)

عشان سمعت كلمة كفر على ربنا. سمعت ربنا بيعصى. شافت ربنا بيعترض عليه سبحانه وتعالى احد الناس اتجوز واحدة وربنا رزقه منها ولد فيه طفل فيه طفله كفاية بقى فيه طفل قال لا ايه يا بنتي فيه ايه فطر قال لها - [00:23:25](#)

قسما بالله علي الطلاق لو جبت عيل ثاني لانت طالق. اهدى يا عم ده رزق من ربنا. حد يقول لي الرزق لأ وهصرف منين؟ واجب منين؟ ها؟ حملت. لا حول ولا - [00:23:43](#)

لو ولدت خلاص هتطلق فاذا بها تلد توأم فييقول خلاص هي كانت اتطلق ولا ايه؟ قالوا له اتطلق ازاي؟ انت قلت لو جه بيت عيل. ربنا جاب لك اتنين. ربنا كبير. شوفوا العبد بيتحامق في علاقته مع الله وربنا كبير ازاي - [00:23:53](#)

وربنا سبحانه وتعالى كريم ازاي؟ ربنا الملك يا جماعة. ربنا الملك العظيم. ربنا الملك الكريم. عايزين نعرف ربنا عايزين نعرف ربنا عزيز قد ايه؟ عايزين نعرف ربنا كريم قد ايه؟ ده وزير بخطة قلم يهدم مستشفيات ويبني عماير ويعمل طرق بخطة قلم - [00:24:08](#)

امال الملك بقرار من الملك. بكلمة من الملك يحصل لك ايه؟ ويحصل لك ايه؟ انت مستقبلك مكتوب بحبر سري على ورق. انت مش شايفه ولكن ربنا يراه يعلمه. ولكن انت مش - [00:24:25](#)

شايف حاجة بس هو مكتوب هنروح فين يا جماعة؟ هنروح فين ربنا اللي بيملك الامر كله؟ يا من سبحت له البحار بامواجهها وسبحت له الطيور باصواتها وخفقانها وسبحت له الافلاك بدورانها وسبحت له المحيطات باسمائها. وسبحت له الاشجار باوراقها وثمارها. يا من

سبحت له - 00:24:35

قلوب بنبضاتها وسبحت له الدماء بجريانها. يا من سبحت له كل ذرة في الكون. يا اله الكون العظيم عايزين نعرف ربنا يا جماعة. عايزين نعرف الملك العظيم الجليل هنعمل معه ايه. عايزين نعرف احنا فين ورايحين على فين وهنعمل ايه مع ربنا؟ ربنا كبير. والامل

في الله كبير - 00:24:55

وانا النهاردة يعني يعني الموضوع كبير والله وكان نفسي اطول معكم اكثر من كده. ولكن انا عايزك تخرج من درس الليلة بكلمة واحدة. وجهت وجهي اليك وجهت وجهي اليك يا رب. انا عايزك تتعلم انك تقول لن نؤثر. زي ما الصحرا قالوا لفرعون قل لي كل حاجة بينك وبين ربنا لا نؤثر. قل لي لكل حد بينك وبين ربنا لن نؤثر - 00:25:15

قل لكل مال او حاجة بينك وبين ربنا لن نؤثر. والذين شهدوا فينا. انتم عارفين انتم بتتعبوا عشان مين؟ انتم عارفين انتم كنتم صايمين عشان مين؟ وهتزلوا تصلوا التراويح الوقتي عشان مين - 00:25:35
ما ترجعوا تناموا وتصلوا تسجدوا عشان مين؟ انتم عارفين عشان مين. فين يا جماعة وجهت وجهي اليك فين؟ فين الامن بالله؟ لو انت ابن وزير ووقفت في حملة مرور والظابط وقفك - 00:25:45

واتقل عليك هتقول ايه؟ ده انا احطه تحت درسي. طب ربنا لو مولاك تعمل ايه؟ فين الفرحة بالله؟ فين الفرحة بالله؟ لو عشرة عبيد اتباعوا. كل واحد اتباع لواحد - 00:25:55

فتقابلوا في ثاني يوم في كل واحد منهم اكثرهم فرح مين؟ اللي سيده اغنى اكثر واملك اكثر ومركز اكثر. انت سيدك ملكه قد ايه وغناه قد ايه؟ فين الفرحة بالله؟ - 00:26:05

فين يا جماعة؟ فين السقة في الله؟ ده احنا لما بنضرب بنمرض بنقف على باب الدكتور ثلاث شهور نستناه سقة فيه. طب الثقة في الله توقفنا على باب فين التوكل على الله؟ ده انت لا موكل محامي كبير بتبقى حاطط في بطنك ايه بقى؟ طب انت بقى لو موكل ربنا في كل امورك كفى بالله وكيفا. كفى بالله - 00:26:15

سبحانه وتعالى. يا شباب يا شباب انا عايزكم تعلموا الثقة في الله. الحب لله. الرضا بالله. الامن بالله. الفرحة بالله. عايزين نعيش في المعاني كلها. كلمة يا رب انا باوصيكم قبل ما اسيبكم بكلمة يا رب - 00:26:35

كلمة يا رب كلمة الامل في الدنيا كلها. الكلمة دي اخطر من ان لو ابوك كان ساب لك ملايين قبل ما يموت. الكلمة دي اخطر من انك لو كنت طلعت ابن وزير. الكلمة دي معك اخطر من ان - 00:26:49

لو كنت طلعت ملكة جمال العالم. كلمة يا رب اخطر من الاموال في التجارات. اخطر من القنابل النووية في الحروب والله العظيم. امريكا معها نووي. ولكن احنا معنا يا رب - 00:26:59

احنا اللي ننتصر لو احنا مؤمنين. كلمة يا رب اخطر من الجمال في سوق الجواز. اخطر من الشهادات في سوق الشغل. اخطر من الوسائط والرشاوي. في في الحصول على وظيفة كلمة يا رب اخطر من الدواء في اي شفاء. يا رب يا جماعة ربنا كل ليلة بيتنزل لنا بينادين سبح نداءات. سبح نداءات ثبتت عن رسول الله - 00:27:09

صلى الله عليه وسلم. هل من سائل فاعطيه انا يا رب؟ هل من مستشف فاشفيه؟ انا يا رب. هل من تائب فاتوب عليه؟ انا يا رب. هل من مستغفر فاغفر له. قومي وقولي انا يا رب. قومي واتهجدوا الليلة وقولوا انا يا رب. من ذا الذي يدعوني؟ من يسترزقني فارزقه - 00:27:29

من يسترزقني فارزقه؟ من يستكشف الضر فاكشفه. سبح نداءات كل ليلة بتتدا بها. نقوم يا جماعة نقوم ونقول ما الذي يدعوني انا يا رب؟ انا يستكشف الضر بك. انا باسترزقك. انا باتوب اليك. انا باستغفرك. انا باطلب منك يا رب العطاءات كلها يا رب في ديني وديني

- 00:27:49

واخرتي يا رب. ربنا كبير. ربنا كبير. اوعى. اوعى ينطلق عن ربنا خوف بمعنى رزق. اوعى يعطلك عن ربنا خوف من مخلوق. اوعى يعطلك عن ربنا اي حاجة. خوف على جواز - 00:28:09

على شغل اوعوا ربنا كبير. ربنا كبير. عقوبته اكبر من اي عقوبة. وسوابه اكبر من اي سواب. وحبه اكبر من اي حب سبحانه وتعالى.

على فين يا شباب على فين يا شباب؟ - [00:28:19](#)

العمود الفقري بتاع البرنامج التوصيات على فين؟ على سجادة الصلاة على الجامع. على السجادة على المصحف على حياة كلها عبادة. من ربك الذي اعبده هو ده كان هدف درس الليلة. ما دام الامل في ربنا كبير للي واقفين على بابه هنقف على بابه. هجيب

سجادة الصلاة واقف على بابه. هنصلي التراويح يا شباب؟ ايوة ان شاء الله. يلا انطلق - [00:28:32](#)

والتهجد اوعوا ضيعوه. اوعي تضيعي التهجد بعد ما تيجي بالتراويح. نامي لك ساعتين واصحي تهجينني للفجر. يا اخواننا سجادة

الصلاة ما تتسابش. المصحف هنختمه كم مرة في رمضان؟ ذكر الله - [00:28:52](#)

ازكار الصباح والمساء. جلسة الضحى يا شباب. ركعتين الضحى. صلاة الوتر. انت بتقول ايه؟ انا باقول لكم موتوا نفسكم في عبادته.

موتوا نفسكم. ده ربنا كبير مش هيضع اجر المحسنين. ربنا معك وحنانا من لدنا. يا اخوانا الشعارات اللي احنا سمعناها الوقتي كلها.

ولا نضيع اجر المحسنين. نصيب - [00:29:02](#)

رحمتنا من نشاء فانك باعيننا وحنانا من لدنا. سبحان الملك الجليل! ودعاءه الكلمة في سورة الضحى ما ودعك ربك. ما ودعك ربك

ابدا سبحانه وتعالى. يرسل السماء عليكم مدرارا. ولا هم من - [00:29:22](#)

يصحبون واخيرا واليه يرجع الامر كله. يلا يا شباب على العبادة. يلا يا اباء ويا امهات على العبادة. الامل كبير. الباب مفتوح. اذن ابواب

دلوقتي اتفتحت لنا من الامل. اصل دلوقتي قلوبنا مليانة الم وامل وعشم في ربنا. اذن دلوقتي مستبشرين. اذن دلوقتي عايزين نكسر

الدنيا عشان ناخذ عطاءات ربنا. اذن دلوقتي احنا شايفين - [00:29:42](#)

يعني انا اللي في الخزائن من عطاءات. ومستنيين بس ان الحلقة تخلص ونجري ونطلق. هنقطع سجاجيد الصلاة يا رب. هنحل

جلدة المصحف من كتر الالهة يا رب. هنسبحك ليل نهار ليل نهار يا رب. مش هنضيع ولا جلسة ضحى باقية في رمضان يا رب. هنصلي

النوافل الرواتب وهنلحق تكبيرة الاحرام. وهنذكرك ليل نهار يا رب يا رب - [00:30:02](#)

ولكن اعنا يا رب. يا من لا تضيع اجر المحسنين. يا رب اجعلنا باعينك. اجعلنا باعينك. اجعلنا من المحسنين يا رب كن معنا يا رب لا

تتركنا ما تسبناش لوحدها يا رب - [00:30:22](#)

محتاجين لك يا رب. يا رب محتاجين لك يا رب. يا من تصيب برحمتك من تشاء. اجعلنا ممن تشاء. يا رب يا رب اصبنا رحمتك

العظيمة الواسعة يا رب. اللهم ادخلنا في رحمتك وادخلنا برحمتك في عبادك الصالحين. اللهم افتح علينا اللهم فتحك - [00:30:36](#)

اللهم نصر. اللهم نور. اللهم بركتك. اللهم هداك. اللهم حفظك. اللهم رزقك. اللهم غوثك. الله ثم غفرانك. اللهم غفرانك. اللهم غفرانك.

اللهم غفرانك برحمتك يا ارحم الراحمين سبحانه اللهم وبحمدك اشهد ان لا اله الا انت - [00:30:56](#)

استغفرك واتوب اليك اقول قولي هذا واستغفر الله لي ولكم. وجزاكم الله خيرا محتاج لدواء ربنا يفتح لي ربنا يفتح لي عصيته كثير

طويلتني نهارك بس تذكر - [00:31:25](#)